

Remitido

Pasobra e ta yiu di Betico

GLENBERT CROES AWE TA WORDE CRUCIFICA

Cu hopi desapunto nos a tuma nota di postura di e decision cu Gobernador di Aruba a tuma entorno candidatura di Glenbert Croes. Gobernador di antemano a huzga y condena Glenbert sin cu hamas den su 31 aña di bida el a worde condena pa ningun delito.

Sr. Gobernador ta un persona cu semper a worde respeta pa su obhetividad y imparcialidad den tur su decisionnan. Pesey awe mas cu nunca nos ta convenci cu den e caso aki Gobernador no tabatin otro alternativa cu actua segun "opdracht" cu el a ricibi for di politiconan di Hulanda y no segun su propio consenshi.

Realidad di bida ta cu mas o menos tres aña pasa Glenbert a cuminsa cu un guerra den cual el a realiza di ta para totalmente su so pero so sosten di su partido, su mama y rumannan. Esey ta e guerra contra Gobierno di Hulanda dia cu nos a ripara cu politiconan Hulandes kier atacha e credibilidad di su persona y cu Gobierno di Hulanda directamente ta mete den nos asuntonan interno, minando nos autonomia. Pero en vez di haya sosten el a haya su contrincante politico colga na e hilonan di Gobierno di Hulanda manera poco marioneta, instigando nos

pueblo y politiconan Hulandes contra su persona. Henter e rabia politico contra Glenbert a origina den Nel Oduber dia cu Glenbert a dicidi di funda su propio partido, despues cu Nel Oduber a nenga Glenbert entrada den e partido cu pa colmo nos tata Betico a funda. Despues cu OLA bao liderato di Glenbert a crece pa 2 asiento (cu ta dos asiento di MEP) y a dreña Gobierno, e rabia politico di Nel a bira venganza personal contra Glenbert, su mama y rumannan. Nel desde 1994 den prensa a tilda y acusa Glenbert di ta corrupto mandando mil y un carta pa Hulanda rogando Gobierno di Hulanda pa interveni den maneho di Gobierno aki na Aruba. Cu esaki el a traiciona e principio fundamental riba cual MEP a worde funda.

Glenbert en berdad nunca a lanta un caso di difamacion contra Nel ya cu na 1993 Glenbert a acusa Nel, cu e tempo aya tabata Minister President, di posibel actonan di corrupcion. Nel e tempo aya a lanta un caso di difamacion contra Glenbert. Pero Nel a perde su caso ya cu huez su veredicto tabata cu como politico bo mester tin lomba hanchu y mester sa wanta critica. Ta pesey Nel Oduber awe ta acusa Glenbert di ta corrupto, Nel tin e speranza cu

Glenbert tambe lo a lanta un caso contra su persona pa consecucionan na su turno Glenbert perde e caso. Pero e gusto aki Glenbert no a duna Nel awe ta acusa Glenbert di ta corrupto.

E ta tumando revancha. Pero e venganza di Nel ta continua y na 1995 durante un reunion di Socialista Internacional teni na New York di cual MEP y e partido di Wim Kok ta miembro, Nel Oduber tabatin un reunion cu Wim Kok durante cual reunion personalmente el a pidi Wim Kok pa yude den su sed di venganza contra Glenbert.

Realidad historico ta cu Nel Oduber y e politiconan di Hulanda tin riba riba Betico. Nel tin rabia riba tur locual tin di haber cu Betico hasta su memoria postumo. Politiconan Hulandes te dia di awe no ta perdona Betico pa e hecho cu magistralmente Betico a pone Hulanda bao di un presion internacional cu e consecuencia cu Hulanda mester a duna Aruba su Status Aparte.

Nos tur sa tambe cu e.o. partido di Wim Kok, esta PvdA, tabata fuertemente contra pa Aruba haya su Status Aparte. Pa lora ta Nel Oduber, e no ta perdona Betico pa e hecho cu na 1985 Betico a bise pa e baha promer cu e zink Aruba. Ta esaki ta locual Nel Oduber

y politiconan di Hulanda tin en comun, esta e rabia contra Betico cu awe nan kier venga y yiu di Betico cu ta Glenbert. Mira con Nel a trata e propio ruman di Betico tambe. Sistemáticamente el a orkesta un otro plan diabolico contra Rudy Croes y a sa di "schakel uit" e unico miembro di MEP cu ta representante di Betico den e partido ey for di directiva di MEP.

Pero pasobra Glenbert ta yiu di Betico, awe Nel Oduber y e politiconan di Hulanda ta crucifike. Pasobra Glenbert ta yiu di e Libertador di Aruba, awe Nel y politiconan di Hulanda kier atacha su number cu e deseo di consecucionan atacha e bon number, credibilidad y honor di e homber cu a duna nos pueblo su Libertad. Diesdos aña despues di su morto, e sed di venganza di Nel Oduber y politiconan di Hulanda contra Betico ta mes bibo cu e propio memoria di Betico den nos pueblo. Pero nos como yiu-nan di Betico a dreña politica

pa termina cu e lucha cu nos tata Betico a laga atras.

Pesey Glenbert a lanta su propio partido cu sosten di nos tur. Awe e politiconan di Hulanda y Nel Oduber ta goza di locual nan mes ta ocasionando, perhudicando y crucificando Glenbert como yiu di Betico cu awe e no por bira Minister. Pero nos lo lucha, pa husticia prevalece pasobra nos sa cu Glenbert no ta culpabel di nada. Nos sa cu Glenbert no ta corrupto. Nos conoce Glenbert su bondad y su bon intencionnan pa cu Aruba y nos pueblo. Esaki contrario na Nel Oduber y Hulanda su intencionnan.

Si nos mester recorre e mesun caminda cu nos tata Betico a recorri pa obliga Hulanda, respeta nos derecho como un pais democratico y autonomo, y pa denuncia e inhusticia cometi contra nos ruman, nos lo haci esaki.

Guisette F. Croes
den number tambe di Glenda F. Croes,
mama di Glenbert Croes

TELEFONNAN DI DIARIO
826747- FAX 828551



30% & 50%

**For 3
days only !**

UNTIL JUNE 6

**4, 5 AND 6 JUNE
AT LUCOR :
HENDRIKSTRAAT
MAINSTREET
COSTA LINDA
SEAPORT MALL**

**30% CASH DISCOUNT
ON ALL 14 AND 18 KARAT GOLD**

**50% CASH DISCOUNT
ON ALL OTHER ITEMS**



**LUCOR
JEWELERS**

A name you can count on
Since 1976

**MAYOR CREDIT CARDS ACCEPTED
MEMBER ARUBA JEWELERS ASSOCIATION**